

Upplýsingar úr uppgjöri

Ársreikningur 2024



Traustur rekstur við krefjandi aðstæður

- **Hagnaður af grunnrekstri Landsvirkjunar á síðasta ári nam 41,5 milljörðum króna, eða tæplega 301 milljón dollara.**
- **Fjárhagsstaða fyrirtækisins er sterkari en nokkru sinni áður, eiginfjárhlutfall er 66,2% og skuldsetning 1,6x rekstrarhagnaður fyrir afskriftir.**
- **Stjórn fyrirtækisins hyggst leggja til að arður til ríkisins verði 25 milljarðar kr. í ár.**
- **Samanlagður arður vegna rekstraráranna 2021 til 2024 nemur því um 90 milljörðum kr.**

Hörður Arnarson
Forstjóri



„Rekstur Landsvirkjunar gekk áfram vel á árinu 2024, þótt afkoman hafi ekki jafnast á við metárið 2023. Aðstæður voru krefjandi á árinu, vatnsbúskapur sögulega lakur, sem leiddi til þess að tekjur drógust saman vegna minni raforkusölu. Þá urðu breytingar á verðtengingu í samningi við stórnotanda, auk þess sem innleystar áhættuvarnir lækkuðu frá fyrra ári. Afkoman var því vel ásættanleg miðað við aðstæður. Fjárhagsleg staða fyrirtækisins hefur aldrei verið betri og þar með bolmagn þess til þess að setja þann kraft í orkuöflun sem er nauðsynlegur til að mæta þörfum íslensks samfélags.

Á árinu 2024 hófust loks framkvæmdir við 120 MW Búrfellslund og 95 MW Hvammsvirkjun, eftir ítrekaðir tafir í leyfisveitingaferlinu. Þessar nýju virkjanir mæta brýnni þörf fyrir frekari raforku til að mæta orkuskiptum og vexti samfélagsins. Afar mikilvægt er að ekki verði frekari tafir á framgangi þessara verkefna. Á árinu 2025 áformum við einnig að hefja framkvæmdir við stækkun Þeistareykja- og Sigöldustöðvar. Aldrei áður hefur fyrirtækið unnuð að fernum nýframkvæmdum á sama tíma, með þremur mismunandi orkugjöfum.

Mikið reyndi á innviði Landsvirkjunar við þær erfiðu aðstæður sem ríktu á síðasta ári vegna mikillar eftirspurnar og sögulega lítils innrennslis til lóna. Álag var mikið á starfsfólk, sem og þau kerfi og verklag sem þróuð hafa verið innan fyrirtækisins. Það var mjög ánægjulegt að sjá hversu vel tókst að takast á við þessar krefjandi aðstæður og standa við allar skuldbindingar fyrirtækisins.“

Lykiltölur

Selt magn

14,1 TWst ↓ 3,9%

Rekstrartekjur

561 m. USD ↓ 14,7%

Hagnaður fyrir óinnleysta fjármagnsliði

301 m. USD ↓ 19,9%

Handbært fé frá rekstri


270 m. USD ↓ 35,0%

Nettó skuldir

667 m. USD ↓ 4,4%

Eiginfjárlutfall

66,2% ↑ 0,8 prst.




Rekstur

Milljónir USD	F4 2024	F4 2023	%	2024	2023	%
Rekstrartekjur	146,9	162,1	-9,4%	560,9	657,4	-14,7%
EBITDA	119,1	119,5	-0,3%	410,3	497,5	-17,5%
Hagnaður fyrir óinnl. fj.	92,2	85,3	8,1%	300,6	375,3	-19,9%
Raforkusala (TWst)	3,7	3,6	0,7%	14,1	14,7	-3,9%

Rekstrartekjur lækka á milli ára frá methæðum árið 2023 en eru þó sterkar í sögulegu samhengi. Hér vega þyngst áhrif innleysta áhættuvarna en krefjandi vatnsbúskapur varð einnig til þess að skerða þurfti afhendingu raforku til stórnotenda með tilheyrandi neikvæðum áhrifum á raforkusölu.


Hagnaður af grunnrekstri (hagnaður fyrir óinnleysta fjármagnsliði) lækkar samhlíða tekjum en er þó ásættanlegur miðað við aðstæður.



Efnahagur

Milljónir USD	31.12. 2024	31.12. 2023	%
Eignir samtals	3.477,9	3.614,2	-3,8%
Skuldir samtals	1.174,1	1.250,1	-6,1%
Nettó skuldir	666,9	697,3	-4,4%
Eiginfjárlutfall	66,2%	65,4%	0,8 prst.


Fjárhagsstaða fyrirtækisins heldur áfram að styrkjast með lækkandi skuldum og hækkandi eiginfjárlutfalli, sem undirstrikar sterka fjárhagsstöðu nú þegar fyrirtækið stefnir á framkvæmdir við nýja virkjunarkosti.



Sjóðstreymi

Milljónir USD	F4 2024	F4 2023	%	2024	2023	%
Veltufé frá rekstri (FFO)	116,3	114,8	1,3%	396,7	479,4	-17,2%
Handbært fé frá rekstri	43,7	52,6	-17,0%	270,1	415,2	-35,0%
Fjárfestingar	4,9	109,6	-95,6%	26,4	121,8	-78,3%
Fjármögnun	111,6	71,5	56,1%	249,2	362,9	-31,3%

Fjármunamyndun fyrirtækisins (handbært fé frá rekstri) var um 270 m. USD á árinu og lækkar um 35% á milli ára. Þrátt fyrir þessa lækkun er þessi mælikvarði sterkur í sögulegu samhengi.




Flokkunarreglugerð


Reglugerðin krefur fyrirtæki um að birta upplýsingar um hlutfall af tekjum, fjárfestingum og rekstrargjöldum í starfsemi sem uppfyllir skilyrði um umhverfislega sjálfbærni. Til að uppfylla þær kröfur þarf starfsemin að teljast hæf (e. eligible) og samræmd (e. aligned). Atvinnustarfsemin þarf að stuðla verulega að einu eða fleiri umhverfismarkmiðum, en um leið ekki vinna gegn öðrum markmiðum og hlíta tæknilegum matsviðmiðum. Atvinnustarfsemin þarf einnig að vera í samræmi við lágmarksverndarráðstafanir á sviði mannréttinda og stjórnhátta.

Öll raforkuvinnsla fyrirtækisins; úr vatnsafl, jarðvarma og vindorku, telst verulegt framlag til mótvægis við loftslagsbreytingar. Þá þykir sýnt fram á að orkuvinnslan valdi ekki umtalsverðu tjóni á öðrum umhverfismarkmiðum, þ.e. um aðlögun að loftslagsbreytingum, líffræðilega fjölbreytni, hringrás auðlinda, sjálfbærni vatns- og sjávarauðlinda og mengunarvarnir.

↓ Velta



↓ Fjárfestingar



↓ Rekstrargjöld

